

潮州府志
(乾隆)
五

ISBN 988-978-316-9



9 7 8 9 8 8 9 7 8 3 1 6 7 1

二〇〇六年三月

中國海疆舊方志

選題組織策劃：蝠池書院出版有限公司

發行者：蝠池書院出版有限公司

出版者：蝠池書院出版有限公司

香港九龍旺角花園街二十六號好景商業中心二十三樓二三〇九室

電話：〇〇八五二一六五五九二三七〇

傳真：〇〇八五二一三三八八七九〇〇

定價：人民幣 九五〇〇〇元（全書共三百一冊）

潮州府志 卷二十五

乾隆壬午重修

潮州府知府周碩勳輯

祀典

體陰陽之撰盡鬼神之情祀之爲事昭昭矣

聖朝至德格於幽明制爲祀典頒布列郡州縣咸得
備物備儀觀會通以展其誠敬春秋之仲肅肅
離離如一轍也夫祀洽百神斯神降之福宜乎
風雨報以和甘萬年之玉燭常調哉嘗考記傳
功德逮乎民者則祀之潮之捍災勦寇績著勤
民功垂利濟景溯前徽皆得理殘碑斷碣一新

祀典

珠蘭書屋

其壇宇付於春秋將享之列云志祀典

海陽縣

社稷壇距縣西一里廣二十七丈五尺袤三十一丈五尺計一十四畝明洪武二年己酉同知劉承直建

風雲雷雨山川壇距縣西南一里廣二十九丈袤三十四丈五尺計一十六畝同知劉承直建

晨壇距縣治十里東廂二舖仙田夏裏鄉計籍田四畝九分雍正四年丙午建

距縣治北二里廣一十二丈五尺袤一十七丈

計三畝五分同知劉承直建

城隍廟在縣治左明洪武二年己酉建康熙十九年

庚申知府林杭學重修

關帝廟一在鎮署左一在府署左一在道署後一在

湖山一在南門隄一在竹篙山一在韓山麓一在

校場

韓公祠在河東韓山宋咸平中通判陳堯佐始闢爲

祠元祐五年知軍州事王滌遷城南淳熙中知軍

州事丁允元復遷韓山明永樂正統間知府雷春

王源相繼增修天順五年辛巳參政劉煒立韓文

清少ノ示
公祠石坊宏治十七年甲子知府葉元玉嘉靖二
十五年丙午知府郭春震萬歷中副使金澍知府
金時舒 國朝順治十四年丁酉知府黃廷獻先
後重修康熙十九年庚申知府林杭學乾隆二十
二年丁丑知府周碩勳先後重修以唐進士趙德
宋知軍州事丁允元宋潮州通判陳堯佐 國朝
學使惠士奇配春祭三月二十五日秋祭九月重
陽初招僧典守康熙年間知府張克嶷易民人嗣
以不謹逐去仍屬之僧繼而僧於祠左奉大士像
朔望婦女焚香絡繹知府周碩勳運同馬兆登知

縣金紳僉議建小庵於山麓徙大士像居之祠乃
肅祠田八十三畝七分爲宋丁允元置在饒平縣
漳溪社金厝嶺又祠田七十三畝爲巡道魏紹芳
鄉宦楊鍾岳置在揭陽縣藍田盤溪二都爲佃隱
占知府周碩勳飭揭陽令黃元基清復祠前魚塘
一口額一十八畝民居侵占知縣金一鳳丈存九
畝五分租七兩五錢

元公祠在縣治左宋淳祐間知軍州事周梅叟建祖
濂溪橫渠明道伊川考亭明正統二年丁巳知府
王源重建嘉靖二十四年乙巳知府郭春震以廖

德明配嘉靖末移祠金山今久廢

十相祠在鳳凰洲萬歷中巡道任可容建祀常袞李
宗閔楊嗣復李德裕陳堯佐趙鼎吳潛文天祥陸
秀夫張世傑燬於寇

陽明祠在縣治西祀新建伯王守仁久廢

九賢祠在府學內祀趙德林異許申盧侗劉允吳復
古張夔王大寶姚宏中久廢

賢守祠在西湖山祀曹登黃定丁允元陳宏規林燾
沈杞黃自求曾噩孫叔謹陳圭常禕久廢

郭祠祀知府郭子章在涸溪塢之南與鳳凰臺對峙

燬於寇

薛祠祀薛宗鎧在金山麓崇正十年丁丑建今廢

郡公祠在道署前祀副使邵名世今廢

李黃二祠在府巷祀知府李拭黃日昌

王祠在北門隄祀推官王榆今廢

江公祠在城隍廟右祀海陽縣知縣江愈敏久廢

賢守合祠順治十七年庚子知府吳穎合祀賢守陳

瑄郭春震郭子章樊王家李拭黃廷獻今廢

二相祠在城北祀唐李德裕宋趙鼎久廢

文昌閣一在縣學後一在韓山一在湖山一在鳳凰

洲一在龍溪都大鑑洲一在東莆都金石宮一在

上莆都彩塘市一在登隆都塘東鄉

元帝廟一在北門直街望京樓後一在北門隄

真君廟在西門內城北

馬王廟在鎮署東偏

火神廟在府前館巷內

安濟廟

卽青龍廟安濟其封號也詳載寺觀神勝

靈應潮人禱於廟者伺其降陟奉承畏惕罔敢越思郡城南郭三河合其匯大海承其委廟屹立隄次鎮洪流爲全城護報功肆祀固其宜也

天妃廟在東門內

七聖廟在西湖山紫竹庵門外

三妃宮在南門內

龍母廟在北門隄上

雙忠廟一在北門隄一在新街頭瀛洲書院舊址巡

道樓儼知府胡恂知縣張士璉仝建

明貺廟在韓山麓祀三山國王

蔡公祠在韓山文公廟左祀明御史蔡公夢悅祠田

五十五畝在豐順縣溜隍上灣鄉春秋祭與韓祠

同日

陸公祠在韓祠左明宏治間知府葉元玉建嘉靖間

知府郭春震修後圯康熙二十年辛酉知府林杭

學重建邑人李奇俊等捐登隆都東鄉田一十五畝以供祠祀有陸姓冒爲陸公後裔踞田廢祀乾隆二十六年辛巳知府周碩勳清復春祭三月初五日秋祭九月重陽

馬公祠在金城巷祀宋摧鋒寨將馬發祠田一十八畝塘一十二畝俱在北濠又地六畝九分零在北門外嗣被土民侵沒知縣金一鳳復之歲久復爲佃丁隱占祠亦傾圮乾隆二十六年辛巳知府周碩勳清復原田重修祠宇春祭三月初五日秋祭九月重陽

雙賢祠先在鳳城驛左祀知府袁鳳鳴何寵燬於寇
祠田亦被隱占康熙二十七年戊辰知縣金一鳳
清復年久祠圯田失故額乾隆二十六年辛巳知
府周碩勳清復田一百五十一畝七分五釐移祠
南關外南山寺右畔春秋祭俱下丁日

卞公祠在雙賢祠後祀 國朝司馬卞公之燭乾隆
二十六年辛巳知府周碩勳清復祠田一十七畝
五分祭期與雙賢同

理學名賢祠在上水門府學右畔順治十七年庚子
知府吳穎合祀周濂溪敦頤朱考亭熹廖槎溪德

明王陽明守仁劉晴川魁季彭山本薛靖軒俊薛
中離侃薛東浚宗鑑楊毅齋驥楊復齋鸞陳海崖
明德林龍湖一星陳員溪璵舊祠爲營兵牧馬之
場乾隆二十六年辛巳知府周碩勳重建春秋祭
俱下丁日

王公祠在廣濟橋東祀知府王源年久祠圯乾隆二
十七年知府周碩勳清復祠基召佃輸租移建於
金城巷三界廟右畔春秋祭俱上丁之次日

姚祠在北門外祀推官姚嘉會祠田一百零八畝五
分

沈祠在城隍廟左祀海陽令沈鳳超祠田六十四畝
六分同姚祠田俱鄉宦林熙春倡捐又園地市廛
租俱爲二祠春秋祭費明季之亂姚祠廢沈祠兵
據之祭田爲佃丁蘇雨及所占林鄉宦後裔舉人
林世榕訟之官太守林杭學清復原田令與貢生
陳衍虞掌管辦祭遂爲林陳私業乾隆二十六年
辛巳知府周碩勳清出姚沈兩祠田共一百七十
三畝七分修葺舊祠合祀巡道翁公夢鯉徐公宰
甫爲四賢祠春秋祭俱下丁日

魯公祠在鳳凰洲右畔祀國朝巡道魯公超乾隆

二十六年辛巳知府周碩勳重修春祭三月十五日秋祭八月初五日

龍公祠在韓山書院左畔祀國朝太守龍公爲霖

春祭三月二十五日秋祭八月初五日

三仁祠在韓山書院左畔祀宋文公天祥陸公秀夫

張公世傑春祭三月二十五日秋祭九月重陽日

景賢祠在韓山書院右畔祀法施於民以死勤事以

勞定國能捍大戡大患之未配享而無專祠者九

人明嶺東兵備洪公雲蒸明潮州總兵官俞公謚

武襄湯公克寬郭公成張公元勳明潮州府知府